

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1139/07
Sarajevo, 12.12.2007. godine

Z A P I S N I K

4. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 12. decembra 2007. godine

Sjednica je počela u 13.32 sati.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice, predsjedavajući je pozdravio delegate, premijera Federacije Nedžada Brankovića, zamjenike premijera Gavrila Grahovca i Vjekoslava Bevandu, ministre u Vladi Federacije Bosne i Hercegovine, predstavnike braniteljskih udruženja, predstavnike Međunarodne zajednice i međunarodnih organizacija, kao i predstavnike akreditiranih medijskih kuća i goste.

Odsustvo sa sjednice su opravdali: Igor Rajner, Elvira Abdić-Jelenović, Edina Papo, Kenan Keserović, Asim Mekić, Lidija Bradara i Ivo Komšić.

Na osnovu evidencije Stručne službe, predsjedavajući je konstatovao da sjednici prisustvuju 42 delegata, što čini većinu, te Dom naroda može raditi i punovažno odlučivati.

Prije utvrđivanja dnevnog reda, predsjedavajući je obavijestio delegate da je Vlada Federacije dostavila Prijedlog izmjena i dopuna Budžeta Federacije Bosne i Hercegovine za 2007. godinu s prijedlogom da se razmatra po hitnom postupku, što su delegati jednoglasno sa 42 glasa, prihvatili.

Nakon toga, delegati su jednoglasno usvojili sljedeći

D N E V N I R E D

1. Prijedlog izmjena i dopuna Budžeta Federacije Bosne i Hercegovine za 2007. godinu – hitni postupak

1. Prijedlog izmjena i dopuna Budžeta Federacije Bosne i Hercegovine za 2007. godinu

Ovaj Prijedlog utvrdila je Vlada Federacije.

Prijedlog izmjena i dopuna Budžeta Federacije Bosne i Hercegovine za 2007. godinu obrazložio je federalni ministar finansija Vjekoslav Bevanda.

Prijedlog izmjena i dopuna Budžeta Federacije Bosne i Hercegovine za 2007. godinu razmatrao je Odbor za boračka i invalidska pitanja, rad, zdravstvenu i socijalnu zaštitu, čiji izvještaj je obrazložio Fahrudin Skopljak, predsjednik Odbora.

Na Prijedlog izmjena i dopuna Budžeta Federacije Bosne i Hercegovine za 2007. godinu tri amandmana je podnio Svetozar Pudarić.

U pretresu su učestvovali: Josip Perić, predsjednik Kluba delegata hrvatskog naroda, Mira Ljubijankić, predsjednica Kluba delegata srpskog naroda, Jasenko Tufekčić, predsjednik Kluba delegata bošnjačkog naroda, Ramo Isak, Svetozar Pudarić, koji je obrazložio svoje amandmane, Fahrudin Skopljak i federalni ministar finansija Vjekoslav Bevanda.

Premijer Nedžad Branković je izjavio da Vlada Federacije ne prihvata amandmane Svetozara Pudarića, nakon čega je Svetozar Pudarić od njih odustao.

Nakon zaključenog pretresa, predsjedavajući je stavio na glasanje Prijedlog izmjena i dopuna Budžeta Federacije Bosne i Hercegovine za 2007. godinu, i na osnovu rezultata glasanja, konstatovao da je Dom naroda Parlamenta Federacije Bosne i Hercegovine, jednoglasno sa 46 glasova, usvojio Prijedlog izmjena i dopuna Budžeta Federacije Bosne i Hercegovine za 2007. godinu.

Prije završetka sjednice, Ivan Jurčević se ispred braniteljskih udruženja zahvalio Vladi Federacije i delegatima Doma naroda na jednoglasnoj podršci Prijedlogu izmjena i dopuna Budžeta Federacije Bosne i Hercegovine za 2007. godinu, čime je omogućena isplata novčanih naknada za nezaposlene demobilizirane branioce za posljednja tri mjeseca 2007. godine.

* * *

Sjednica je završena u 14.20. sati.

Transkript sa sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆI

Stjepan Krešić